

佛说浴像功德经

唐天竺三藏法师宝思惟 译



南無本師釋迦牟尼佛


说明

本简体校正版《佛说浴像功德经》电子书，根据《乾隆大藏经》大乘五大部外重译经，第 0289 部，唐天竺三藏法师宝思惟译《佛说浴像功德经》原藏影印本校正。句读仅作参考。

本电子书是免费结缘品。特此说明。

仁慧草堂

二〇一九年二月



扫码关注仁慧草堂微信公众号

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处
结祥云. 诚意方殷. 诸佛现全身.

南無香云盖菩萨摩诃萨 (合掌三称)

净口业真言

(三遍)

唵. 修唎修唎. 摩诃修唎. 修修唎. 萨婆诃.

净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

普供养真言

(三遍)

唵. 誝誝曩. 三婆嚩. 鞞日啰斛.

南无本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛说浴像功德经

唐天竺三藏法师宝思惟 译¹

如是我闻：

一时，薄伽梵在王舍城鹫峰山中，与大苾刍众及与无量诸大菩萨摩訶萨俱。

尔时，会中有一菩萨，名清净慧，作是思惟：“以何因缘诸佛如来得清净身？”又复念言：“若佛在世亲近供养，及灭度后供养舍利，此二种人所获福德功德齐不？”作是念已，承佛威神，从座而起，顶礼佛足，白言：“世尊！诸佛如来以何因缘得清净身？若佛在世亲近供养，及灭度后供养舍利，此二种人所获福德其功德²等不？”

尔时，世尊告清净慧菩萨言：“善哉！善哉！汝今乃能为未来世诸众生故，发如是问。汝当善听，我今为汝分别解说。”

尔时，清净慧菩萨白佛言：“唯然。世尊！愿乐欲闻。”

佛告清净慧菩萨言：“诸佛如来为求菩提，

¹ 大正藏：大唐天竺三藏宝思惟译

² 大正藏：功；永乐北藏及龙藏：功德

于往昔时所修三昧、戒、定、忍辱、智慧、慈、悲、喜、舍、解脱、解脱知见、力、无所畏、一切佛法、一切种智，悉皆清净，是故，如来得清净身。又以华香幡盖而以供养，复以香水浴如来身，复以宝盖弥覆其上，以诸饮食、鼓乐、弦歌、赞咏如来，以此功德回向一切种智，所得功德无量无边，乃至得成无上菩提。何以故？如来智慧无量无边不可思议，所有功德³亦复如是！

“清净智慧⁴，我灭度后有二种舍利：一者，法身；二者，化身。若善男子，善女人等，供养舍利，造佛形像如大麦等，造塔如菴罗果，表刹如针，盖如浮萍，持佛舍利如芥子大安置其中，所得功德，如我在世等无差别。

“如是之人得十五种功德：一者，得清净⁵念心。二者，得顺法心。三者，得惭愧心。四者，得见如来。五者，发净信心。六者，能持正法。七者，如说修行。八者，得亲近诸佛。九者，诸佛国土随意受生。十者，若生人中生大姓家，其心柔软人所敬重。十一者，才生人中得念佛心。十二者，诸魔军众不能恼乱。十三者，于末法时

³ 大正藏：福德；永乐北藏及龙藏：功德

⁴ 大正藏：慧；永乐北藏及龙藏：智慧

⁵ 大正藏：净；永乐北藏及龙藏：清净

能护正法。十四者，常得十方诸佛如来恒加覆护。十五者，速得成就五分法身。”

尔时，世尊而说颂曰：

若以清净心	于如来灭后
供养舍利者	或造于塔庙
及如来形像	于彼塔像前
扫涂曼荼罗 ⁶	以种种华香
散布于其上	以诸妙香水
而浴于佛像	上妙诸饮食
净持以供养	赞礼佛功德
无量难思议	智慧及神通
诸善巧方便	悉皆到彼岸

尔时，清净慧菩萨闻佛世尊说是颂已，而白佛言：“世尊！若佛在世及灭度后，未来世中，诸众生等，云何浴像？惟⁷愿如来为众生故，开示演说。”

佛言：“清净慧，如佛在世，诸众生等发起净心，于佛灭后亦应如是，不作执空有想，于诸善品心怀渴仰，不生疲厌，何以故？为成就如来法、报身故。我已曾为汝说四真谛法、十二因缘、

⁶ 大正藏：漫陀罗；永乐北藏及龙藏：曼荼罗

⁷ 大正藏：唯；永乐北藏及龙藏：惟

六波罗蜜，我今为汝说浴像法，诸供养中最为殊胜。

“善男子，若欲沐像，应以牛头栴檀、紫檀、多摩罗香、甘松、芎藭、白檀、郁金、龙脑、沈香、麝香、丁香，以如是等种种妙香，随所得者，以为汤水，置净器中，先作方坛，敷妙床座，于上置佛，以诸香水次第浴之，用诸香水周遍讫已，复以净水于上淋洗。其浴像者，各取少许洗像之水，置自头上，烧种种香以为供养。

“初于像上下水之时，应诵以偈：

我今灌沐诸如来 净智功德庄严聚
五浊众生令离垢 愿证如来净法身

“烧香之时当诵斯偈：

戒定慧解知见香 遍十方刹常芬馥
愿此香烟亦如是 回作自他五种身

尔时，世尊说是法已，众中有无量菩萨摩訶萨获得清净无垢三昧⁸；无量天人得不退转无上菩提。

尔时，阿难即从座而起，白佛言⁹：“世尊！当何名此经？我等云何奉持？”

⁸ 大正藏：三昧，即从座而起；永乐北藏及龙藏：三昧

⁹ 大正藏：阿难白佛言；永乐北藏及龙藏：阿难即从座而起，白佛言

佛言：“此经名为‘洗浴诸佛得身清净’，应如是持。”

说是经已，一切众会皆大欢喜，信受奉行。

佛说浴像功德经

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼囉. 娑麼囉. 弭麼曩. 萨嚧诃. 摩诃斫迦囉嚧吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無观世音菩萨摩诃萨 (合掌三称)

南無护法诸天菩萨 (合掌三称)

礼佛发愿文

(一遍)

归命十方调御师 演扬清净微妙法
三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普

贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

回向偈

(一遍)

愿以此功德	庄严佛净土
上报四重恩	下济三途苦
若有见闻者	悉发菩提心
尽此一报身	同生极乐国

三皈依

(一遍)

自皈依佛，当愿众生，体解大道，发无上心；
自皈依法，当愿众生，深入经藏，智慧如海；自
皈依僧，当愿众生，统理大众，一切无碍。和南
圣众。



此咒置经书中可灭误跨之罪

南无护法韦驮尊天菩萨

